

საიდ. №72223/03

გ ა დ ა წ ე ვ ე ტ ი ლ ე ბ ა №68-03/14

საქართველოს ინტელექტუალური საკუთრების ეროვნულ ცენტრ „საქპატენტოან“ არსებული სააპელაციო პალატის კოლეგიამ შემდეგი შემადგენლობით:
ი. გიქორაშვილი (თავმჯდომარე), გ. დუდუხავა, მ. ბაკურაძე, თ. ჯაფარიძის
მდივნობით განიხილა კომპანიის „ფილიპ მორის ბრენდს სარლ“-ის (Philip Morris
Brands Sarl) სააპელაციო საჩივარი (საიდ. №68-03/14), რომლითაც მოითხოვება სსიპ
საქართველოს ინტელექტუალური საკუთრების ეროვნული ცენტრის „საქპატენტის“
სასაქონლო ნიშნებისა და გეოგრაფიული აღნიშვნების დეპარტამენტის უფროსის
2014 წლის 31 იანვრის №133/03 ბრძანების ბათილად ცნობა, რომლითაც კომპანია
„ბრიტიშ ამერიკან ტობაკო (ბრენდს) ინკ“-ის (British American Tobacco (Brands) Inc.)
სახელზე დარეგისტრირდა საქართველოში სასაქონლო ნიშანი „KENT AQUA“
(საიდ. №72223/03) 34-ე კლასის საქონლის განცხადებული ჩამონათვლისათვის.

კოლეგიამ განიხილა სააპელაციო საჩივარი, შესაგებელი, ექსპერტიზის
მასალები, წარმოდგენილი დოკუმენტები და

გ ა მ თ ა რ კ ვ ი ა :

აპელანტი კომპანია „ფილიპ მორის ბრენდს სარლ“ არ ეთანხმება
გასახივრებულ ბრძანებას შემდეგ გარემოებათა გამო:

აპელანტის განმარტებით, იგი არის მფლობელი უფრო ადრეული

პრიორიტეტით საქართველოში რეგისტრირებული სასაქონლო ნიშნისა „PARLIAMENT Aqua Blue”, რეგისტრაციის ნომრით 20506 (2010 წ.) და ასევე საერთაშორისო სასაქონლო ნიშნისა 1120399 – “AQUA BURST” (2012 წ.). აღნიშნული სასაქონლო ნიშნები უფრო ადრეული პრიორიტეტით სარგებლობენ, ვიდრე სადაცო ნიშანი. ორივე სასაქონლო ნიშანი დაცულია საქართველოში 34-ე კლასის საქონლისათვის. აპელანტის პოზიციით, განცხადებული სასაქონლო ნიშანი “KENT AQUA” მსგავსია მისი კუთვნილი საქართველოში უფრო ადრეული პრიორიტეტით 34-ე კლასის მსგავსი საქონლისათვის დაცული სასაქონლო ნიშნებისა „PARLIAMENT Aqua Blue” და „AQUA BURST”. აპელანტის მითითებით, მისი კუთვნილი სასაქონლო ნიშანი რეგისტრაციის ნომრით №1120399 „AQUA BURST” ჩაწერილია სტანდარტული ლათინური შრიფტით ისევე, როგორც სადაცო სასაქონლო ნიშანი „KENT AQUA”. ორივე სასაქონლო ნიშანი შეიცავს იდენტურ სიტყვას „AQUA”, რაც ხაზს უსვამს ნიშნების მსგავსებას და შესაძლებელს ხდის მომხმარელის შეცდომაში შეყვანას ასოცირების შედეგად. სადაცო სასაქონლო ნიშანი ასევე, მსგავსია აპელანტის კუთვნილი სასაქონლო ნიშნისა „PARLIAMENT Aqua”, აპელანტის კუთვნილი რეგისტრირებული სასაქონლო ნიშნების ნაწილი „AQUA” უცვლელადაა გადატანილი სადაცო სასაქონლო ნიშანში, რაც არღვევს აპელანტის განსაკუთრებულ უფლებას სასაქონლო ნიშანზე. აპელანტის განმარტებით, რადგან სიტყვა „AQUA” აზრობრივად არ არის დაკავშირებული განცხადებულ საქონელთან 34-ე კლასში, ის ფანტაზიურია სიგარეტებისათვის. აპელანტის მითითებით, მან პირველმა გამოიყენა სიტყვა „AQUA” სიგარეტებისათვის და აღნიშნული სიტყვიერი აღნიშვნით შეიტანა განაცხადი „საქპატენტში” 2009 წელს, 4 წლით ადრე ვიდრე შეტანილი იქნებოდა განაცხადი სადაცო სასაქონლო ნიშნანზე, შესაბამისად მომხმარებელი სიტყვას „AQUA” დატანილს სიგარეტის კოლოფზე უკავშირებს სიგარეტ „PARLIAMENT”-ს. აპელანტის მითითებით, სიგარეტ კენტზე სიტყვა „AQUA”-ს გამოყენება აფიქრებინებს მომხმარებელს, რომ ის აპელანტი კომპანიის მიერ წარმოებულ სიგარეტს ყიდულობს. აპელანტის აზრით, სააპელაციო პალატამ არ უნდა დაუშვას რეგისტრაცია ისეთი სასაქონლო ნიშნისა, რომელიც ჰგავს ადრე რეგისტრირებულ სასაქონლო ნიშნებს, რადგან ასეთი რეგისტრაციის შედეგად

შეცდომაში იქნება შეყვანილი პოტენციური მომხმარებელი მწარმოებლის მიმართ საქონლის ერთგვაროვნების გამო. ყოველივე ზემოთ აღნიშნულიდან გამომდინარე აპელანტი ითხოვს „სასაქონლო ნიშნების შესახებ” საქართველოს კანონის მე-5 მუხლის პირველი პუნქტის „გ” ქვეპუნქტის საფუძველზე, საქაბატენტის სასაქონლო ნიშნებისა და გეოგრაფიული აღნიშვნების დეპარტამენტის უფროსის 2014 წლის 31 იანვრის №133/03 ბრძანების ბათილად ცნობას, რომლითაც კომპანია „ბრიტიშ ამერიკან ტობაკო (ბრენდს) ინკ”-ის (British American Tobacco (Brands) Inc.) სახელზე დარეგისტრირდა საქართველოში სასაქონლო ნიშანი „KENT AQUA” (საიდ. №72223/03) 34-ე კლასის საქონლის განცხადებული ჩამონათვლისათვის.

მოწინააღმდეგე მხარე კომპანია „ბრიტიშ ამერიკან ტობაკო (ბრენდს) ინკ” არ ეთანხმება სააპელაციო საჩივარს შემდეგი გარემოებების გამო:

მოწინააღმდეგე მხარის განმარტებით, მოცემულ შემთხვევაში მომხმარებლის შეცდომაში შეყვანა გამორიცხულია, ვინაიდან ნიშნის პირველი სიტყვა “KENT”-ი ცალსახად მიანიშნებს მომხმარებელს, თუ რომელ კომპანიას მიეკუთვნება აღნიშნული პროდუქცია. სიგარეტი, მარკირებული სასაქონლო ნიშნით „KENT”, კარგად არის ცნობილი ჩვენი ქვეყნის მოსახლეობისათვის, ვინაიდან აღნიშნული სიგარეტი იყიდებოდა საქართველოს ტერიტორიაზე ჯერ კიდევ საბჭოთა კავშირის დროიდან. გარდა ამისა, ჩატარებული პვლევის შედეგად აღმოჩნდა, რომ დღეისათვის საქართველოში სხვადასხვა კომპანიის სახელზე რეგისტრირებულია სასაქონლო ნიშნები, რომელთა შემადგენლობაში, ამა თუ იმ სახით, შედის აღნიშვნა „AQUA”. ესენი არიან: “AQUARELLE” - მოწ. №13814 (რეგ. თარიღი: 03.02.2001) მფლობელი შპს „სტანდარტ ტობაკო ინკორპორეიტიდ“, სასაქონლო ნიშანი „AQUA” მოწ. №21401 (რეგ. თარიღი: 04.27.2011) მფლობელი „Harrington Development Inc.”. მათმა რეგისტრაციამ, ამ წლების განმავლობაში, არ გამოიწვია ნებატიური შედეგები. მოწინააღმდეგე მხარის პოზიციით, სასაქონლო ნიშნის „KENT AQUA” რეგისტრაცია და მისი მომდევნო გამოყენება საქართველოში არ გამოიწვევს ნიშნების ერთმანეთში აღრევას და მომხმარებლის შეცდომაში შეყვანას მწარმოებლის მიმართ. ყოველივე ზემოაღნიშნულიდან გამომდინარე, მოწინააღმდეგე მხარე თვლის, რომ ადგილი არ აქვს „სასაქონლო ნიშნების შესახებ” საქართველოს კანონის მე-5 მუხლის პირველი პუნქტის „გ” ქვეპუნქტს და ითხოვს საქაბატენტის სასაქონლო ნიშნებისა და გეოგრაფიული აღნიშვნების

დეპარტამენტის უფროსის 2014 წლის 31 იანვრის №133/03 ბრძანების ძალაში დატოვებას სასაქონლო ნიშნის რეგისტრაციის შესახებ და სააპელაციო საჩივრის დაკმაყოფილებაზე უარის თქმას.

კოლეგიამ განიხილა მხარეთა არგუმენტაცია, შესაგებელი, საქმეში არსებული მასალები და მიიჩნია, რომ სააპელაციო საჩივარი არ უნდა დაკმაყოფილდეს შემდეგ გარემოებათა გამო:

„სასაქონლო ნიშნების შესახებ” საქართველოს კანონის მე-5 მუხლის პირველი პუნქტის „გ” ქვეპუნქტის თანახმად, სასაქონლო ნიშანი არ რეგისტრირდება, თუ „მესამე პირის სახელზე რეგისტრირებული, უფრო ადრინდელი პრიორიტეტის მქონე სასაქონლო ნიშნის მსგავსია, ხოლო საქონელი – იდენტური ან იმდენად მსგავსი, რომ ჩნდება ამ სასაქონლო ნიშნების აღრევის, მათ შორის, ასოცირების შედეგად აღრევის შესაძლებლობა”.

კოლეგია ვერ გაიზიარებს აპელანტის პოზიციას სადაც და დაპირისპირებული სასაქონლო ნიშნების მსგავსებასთან დაკავშირებით და მიიჩნია, რომ სადაც, კომპანია „ბრიტიშ ამერიკან ტობაკო (ბრენდს) ინკ”-ის სახელზე დარეგისტრირებული სასაქონლო ნიშანი „KENT AQUA” (საიდ. №72223/03) და კომპანია „ფილიპ მორის ბრენდს სარლ”-ის კუთვნილი სასაქონლო ნიშნები „PARLIAMENT Aqua Blue” (რეგ. №20506); „AQUA BURST” (IR 1120399) არ წარმოადგენს აღრევამდე მსგავს სასაქონლო ნიშნებს. სადაც და დაპირისპირებულ სასაქონლო ნიშნებს შორის არსებობს როგორც ვიზუალური ისე ფონეტიკური და სემანტიკიური განსხვავება. სადაც და დაპირისპირებული სასაქონლო ნიშნები განსხვავდება ვიზუალურად, რადგან სადაც სასაქონლო ნიშანი წარმოადგენს სიტყვიერ სასაქონლო ნიშანს, რომელიც შედგება ორი სიტყვისაგან „KENT AQUA”, აღნიშნული სიტყვები შესრულებულია სტანდარტული ლათინური ასომთავრული ასოებისაგან. იქიდან გამომდინარე, მოცემულ ნიშანში პირველ სიტყვას წარმოადგენს „KENT”, სწორედ მასზე მოდის განმასხვავებლობის ძირითადი დატვირთვა. რაც შეეხება დაპირისპირებულ სასაქონლო ნიშნებს, „PARLIAMENT Aqua Blue” (რეგ. №20506) წარმოადგენს კომბინირებულ სასაქონლო ნიშანს, რომელიც სიტყვიერ ნაწილთან ერთად შეიცავს ასევე გამოსახულებით ელემენტებს, აღნიშნული დაპირისპირებული სასაქონლო ნიშანი შედგება სამი სიტყვისაგან, რომელთაგან მხოლოდ „PARLIAMENT” არის სტანდარტული

ლათინური ასომთავრული ასოებით შესრულებული. დანარჩენი ორი სიტყვის შეოლოდ პირველი ასოები არის ასომთავრულად შესრულებული. აღნიშნულ სასაქონლო ნიშანში განმასხვავებლობის ძირითადი დატვირთვა მოდის სიტყვაზე „PARLIAMENT”. რაც შეეხება, მეორე დაპირისპირებულ სასაქონლო ნიშანს „AQUA BURST”, აღნიშნული სასაქონლო ნიშანი ასევე განსხვავდება სადაც სასაქონლო ნიშნისაგან, ვინაიდან იგი შეიცავს დამატებით სიტყვას „BURST” რაც სძენს ნიშნებს იმ დონის ვიზუალურ განსხვავებას, რომ არ მოხდეს სასაქონლო ნიშნების აღრევა და მომხმარებლის შეცდომაში შეყვანა. სადაც და დაპირისპირებული სასაქონლო ნიშნები განსხვავებულია ფონეტიკურად, რადგან სადაც სასაქონლო ნიშანი გამოითქმის, როგორც „კენტ აქუა”, ხოლო დაპირისპირებული სასაქონლო ნიშნები, როგორც „პარლამენტ აქუა ბლუ” და „აქუა ბარსთ”. სადაც და დაპირისპირებული სასაქონლო ნიშნები განსხვავებულია სემანტიკურად, რადგან სადაც სასაქონლო ნიშანში ძირითადი სიტყვა „კენტ”, რომელიც წარმოადგენს ქალაქს სამხრეთ ინგლისში, ხოლო სიტყვა „აქუა” ნიშნავს წყალს, რაც შეეხება დაპირისპირებულ სასაქონლო ნიშანს „PARLIAMENT Aqua Blue”, იგი ქართულად ითარგმნება, როგორც „ფირუზისფერი პარლამენტი”, ვინაიდან სიტყვიერი აღნიშვნა „Aqua Blue” წარმოადგენს ფერს, კერძოდ მომწვანო-მოლურჯო ფერს. დაპირისპირებული სასაქონლო ნიშნის გამოსახულებაც აღნიშნულ ფერებშია შესრულებული. რაც შეეხება, „AQUA BURST”, იგი ნიშნავს „წყლის ამოფრქვევას”. აღნიშნული კიდევ უფრო მეტად ამცირებს სასაქონლო ნიშნების აღრევისა და მომხმარებლის შეცდომაში შეყვანის შესაძლებლობას. გარდა ამისა, აღსანიშნავია, რომ მოცემულ შემთხვევაში საქმე ეხება თამბაქოს ნაწარმს, სიგარეტებს, რომელთა მომხმარებელი გამოირჩევა სიგარეტების მაღალი ბრენდის ერთგულებით, კერძოდ სიგარეტის მომხმარებლები (მწეველები) მიჩნეულნი არიან ისეთ მომხმარებლებად, რომლებიც განსაკუთრებულად ყურადღებიანები და დაკვირვებულები არიან იმ სიგარეტის ბრენდის არჩევისას, რომელსაც ისინი ეწევიან, შესაბამისად სასაქონლო ნიშნები, რომლის ქვეშაც იწარმოება სიგარეტები უნდა იყოს ძალიან მსგავსი ერთმანეთის, რომ მოხდეს მათი აღრევა. იქიდან გამომდინარე, რომ სადაც სასაქონლო ნიშნის წამყვანი სიტყვა არის „KENT”, ხოლო „AQUA” მეორე ხარისხოვან სიტყვას წარმოადგენს იგი ვერ აერევა მომხმარებელს დაპირისპირებულ ნიშანთან

„PARLIAMENT Aqua Blue”, სადაც ძირითადი და დომინანტი სიტყვა არის „PARLIAMENT”.

ყოველივე ზემოაღნიშნულიდან გამომდინარე, სააპელაციო პალატის კოლეგიას მიაჩნია, რომ მოცემულ შემთხვევაში ადგილი არ აქვს „სასაქონლო ნიშნების შესახებ” საქართველოს კანონის მე-5 მუხლის „გ” ქვეპუნქტით გათვალისწინებულ შემთხვევებს და სასაქონლო ნიშნის „KENT AQUA” (საიდ. №72223/03) რეგისტრაციაზე უარის თქმის კანონით გათვალისწინებული სხვა საფუძველიც არ არსებობს.

სააპელაციო პალატის კოლეგიამ იხელმძღვანელა „სასაქონლო ნიშნების შესახებ“ საქართველოს კანონის მე-16 მუხლით, სსიპ საქართველოს ინტელექტუალური საკუთრების ეროვნული ცენტრის – საქპატენტის თავმჯდომარის 2011 წლის 18 მარტის №02 ბრძანებით დამტკიცებული საქპატენტოან არსებული სააპელაციო პალატის დებულების მე-15 მუხლის პირველი პუნქტის „გ” ქვეპუნქტით და

გ ა დ ა წ ყ ვ ი ტ ა:

1. კომპანიის „ფილიპ მორის ბრენდს სარლ”-ის (Philip Morris Brands Sarl) სააპელაციო საჩივარი არ დაკმაყოფილდეს.
2. ძალაში დარჩეს საქართველოს ინტელექტუალური საკუთრების ეროვნული ცენტრის „საქპატენტის” სასაქონლო ნიშნებისა და გეოგრაფიული აღნიშვნების დეარტამენტის უფროსის 2014 წლის 31 იანვრის №133/03 ბრძანება სასაქონლო ნიშნის რეგისტრაციის შესახებ.
3. წინამდებარე გადაწყვეტილება შეიძლება გასაჩივრდეს მცხეთის რაიონული სასამართლოს ადმინისტრაციულ საქმეთა კოლეგიაში (მისამართი: ქ. მცხეთა, სამხედროს ქ. №17) გადაწყვეტილების გაცნობის/ჩაბარების დღიდან ერთი თვის ვადაში.

კოლეგიის თავმჯდომარე:

წევრები:

ა. გიქორაშვილი

ბ. ბაკურაძე

გ. დუდუჩავა

